



**Aningaasaqarnermut Akileraartarnermullu  
Naalakkersuisoq**

Ulloq: 30. juni 2025  
J.nr.: 01.31.06/25-01141

**Aningaasaqarnermut Akileraartarnermullu Ataatsimiititaliap ataasinngornermi ulloq  
30. juni 2025-mi aalajangiineranik Naalakkersuisunut ilisimatitsineq.**

**Konto pingaarnermi 87.73.20 Mittarfiit aaqqissuussaanerannik annertusaaneq, nunap  
immikkoortuini mittarfinnut misissuinissanut oqaasertaliussamik ilanngussinissaq.  
Ataatsimiititaliap suliaa nr. 1.31.06/25-01141.**

”Naalakkersuisut inassutigaa,

- *konto pingaarnermut 87.73.20 Mittarfiit aaqqissuussaanerannik  
annertusaaneq, ilanngussaq 1 ilanngunneqartoq naapertorlugu oqaasertaliussaq  
2025-mut ilassutitut aningaasaliissutitut inatsissamut siunnersuummi  
ilanngunneqassasoq.”*

**Aningaasaqarnermut Ataatsimiititaliap oqaaseqaatai apeqqutaalu**  
Tasiilami Ittoqqortoormiini suliat ingerlatiinnarneqarnerat ataatsimiititaliap  
iluarisimaarpaa.

**Apeqqut 1**

Ataatsimiititaliap malugeqqussavaa tamanna inuiaqatigiit aningaasaqarniarnerat  
eqqarsaatigalugu akilersinnaappat aatsaat nunap immikkoortuini mittarfiliortoqarsinnaanera  
Timmisartoqarfiit pillugit inatsimmi oqariartuutigineqarmat, tamannalu matumani  
atuunnani. Inatsimmi piumasaqaatit naammassiniarlugit Naalakkersuisut sunik  
iliusseqarniarpat inuiaqatigiit aningaasaqarniarnerat eqqarsaatigalugu  
akilersinnaanngitsunik Kalaallit Nunaata kitaani nunap immikkoortuini  
mittarfiliortoqarsinnaanngorlugu?


**Apeqqut 2**

Uummannaq eqqarsaatigalugu isummernissamut tunngavissiamik suliaqarnermik  
Ineqarnermut, Attaveqaasersuutitut Isorliunerusunullu Naalakkersuisoqarfik  
aallartitsisimanngilaq, mittarfiliornissamut Uummannap qeqertaa naammattunik  
angissusilinnik periarfissaqanngimmat. 2025-imut aningaasanut inatsimmi konto pingarneq  
87.73.20 naapertorlugu Uummannaq najugaqarfinnut nunap immikkoortuini  
mittarfiliortuutigineqarsinnaasutut misissuiffigineqartussanut ilaavoq. Ataatsimiititaliap  
taamaattumik paaserusuppaa Uummannami mittarfik eqqarsaatigalugu suleriaqqinnissaq  
eqqarsaatigalugu sunik pilersaaruteqartoqarnerasoq.

**Aningaasaqarnermut Ataatsimiititaliap aalajangernera**

Qulaani taaneqartunik apeqquaqarluni Aningaasaqarnermut Akileraartarnernullu  
Ataatsimiititaliap isummernissani akissuteqartoqarnissaata tungaanut **kinguartippaa**.

Inussiarnersumik inuulluaqqusillunga



Erik Jensen

Aningaasaqarnermut Akileraartarnernullu Ataatsimiititaliap siulittaasua